



C5191



予友玉文陳子歿後之四年令嗣培甫編次其道  
藁既前請捐亭漢荀序之復誦予曰子辱知先人  
最深願更有以發其幽光子惟玉文詩自柳塘先  
生未歿已輒從捐亭漢荀是正故惟兩君能深知  
而言之予非所及也予所及知者玉文之所自知  
者而已方玉文歿時予從試回亟往視已不及  
長辭撫尸一慟旋讀共留別諸子詩低回感泣深  
以學之無成爲憾嗚呼此則其所自知而予之所  
能言者矣憶玉文少與吾黨數人師桐鄉朱先生  
得其緒論即慨然有特立之志玉文天資靈警性  
又剛決數人者莫不憚之及其皎然不欺肝膽可  
照則又莫不愛之旣乃與捐亭漢荀輩切劘詩學  
爲忘形交玉文悟敏而力勤有兼人之勇然而虛  
懷謙受情誼肫篤即諸君亦莫不憚之愛之也夫  
人之性情志量固立言行事之所本也玉文自丁  
丑前詩文議論與其處家庭承師友之概予皆親  
厭厭之大致性情坦白志量高朗人與詩一而已  
矣丁丑後其交游之廣政績之多予不及見也然



讀其詩想見其性情志量殆有進焉丙戌奉諱後迄於病歿五六年間予觀其識克而益上氣降而益下精勤黽勉動輒知非方求一念之無忝於師門不可得又况天不假年中道而殞此其心之自憾何如而僅謂區區詩學之成否乎哉雖然詩人自漢魏以下燦然垂於世者其間誰升堂誰入室固不可誣然要讀之而使人勃乎興起有裨生民者其必自於性情志量之坦然白朗然高者無疑矣如玉文之詩後之人苟舍其所本而但以堂室之氣候繩之則予不敢知不然其所未至者固不在詩而其所已至者猶將掉臂於漢魏以下詩人之中而又奚憾焉今兩君既已刪定其彙又各序其所欲言誠足慰臨歿惓惓之意若予者識本不逮言且無文顧獨流連往復於性情志量之間而不勝如見之感也故書此以答培甫之請使附記之簡末云爾丙申春二月之三日同學弟周振業

辛卯秋吾友玉文歿于家閱四年仲子培甫出遺  
詩見眎蓋玉文病中屬家兄右序編訂而令兄狷  
亭復爲之刪定者也狷亭之序有云玉文齒最壯  
最早達而最先亡其詩雖爲當世推服而不副所  
自期嗚呼此真知玉文之深矣夫玉文以天賦英  
卓之才自六七歲能調四聲大父抱置膝上授以  
唐人小詩上口輒成誦長而肆力稽古雕肝搯腎  
吟詠不休迨游柳塘先生門熟晰詩家源流正變  
而又虛懷善受偕狷亭輩倡和一堂識解日進謏  
劣如予亦頻頻擊扣俾效他山之攻三赴公車經  
齊魯燕趙梁宋覽其形勝藉以開拓心胸筮仕得  
桐廬爲山水佳絕處繚白攢青映帶几案務厭飫  
其靈竒而寓諸篇什宜詩之超出于流俗人萬萬  
也而狷亭猶以爲不副所自期何歟蓋善學者不  
靳人知其學之所已就而靳人知其學之所未就  
憶予與玉文定交年甫弱冠氣豪而志滿每指目  
李杜韓白數公思角逐其間以自出一頭地乃荏  
苒三十餘年予旣戢影荒江老而頽廢不敢開口



談風雅事而王文一官小草遽歸長夜有芝蘭之  
秀無松柏之蒼得失寸心徒增悼歎是豈詩道之  
昌爲造物所忌必奪其年使止于中道耶抑豈學  
問難成有英才勤力如玉文者資之以師友助之  
以江山而終不得盡窮夫閩與耶雖然玉文遺詩  
具在立體則必清剛取材則必警策與朋友贈答  
俱有真性無浮夸之辭嫉邪憫俗有感輒發至悶  
悶恤民旨在言外者尤得古循吏遺意試以質諸  
李杜韓白數公吾見其合不見其離也是故玉文

所未就者自期之高與入所以期之之重而要  
不足以掩其所已就者而靳之不使傳彼王子安高  
季廸之徒寧降年一不永而其詩遂不長留天地  
間哉因從狷亭後申以數言未知家兄觀之謂足  
慰玉文于泉下否也旃蒙協洽之歲陽月三日周  
龍藻序

雪川詩藁若干卷予族弟玉文於辛卯六月病中  
手自刪訂以授友人周子右序右序爲之斟酌去  
留而偕其令弟漢荀相與參校者也先是予客粵  
東玉文寓書促予歸里予以人事牽掣不能自遂  
至十月杪始出嶺至江右則玉文於八月中已捐  
館矣今年夏予自江右歸杜門養疾玉文之子培  
甫來省予相對痛哭不能發一語久之病稍間始  
過沙溪奠玉文於雪浪齋舊居培甫乃出此詩卷  
示予予爲之反覆校閱復刪十分之三然後編定

雪川詩藁序

一

以俟剗刷質之兩周子兩周子亦以爲可也嗟乎  
予齒長于玉文數歲而與玉文偕學詩玉文於予  
詩頗有嗜痂之癖予詩自愧淺薄不足存假使萬  
一或有可存則異日定予詩者惟玉文是屬豈知  
今日予反以衰頹之齒而定玉文之詩也耶玉文  
之爲詩其家學淬礪師友切劘以至前後所得之  
淺深具見自序中至其詩清真淡遠得江山之助  
則潘太史稼堂先生序其桐江集論之詳矣予俱  
不復贅獨念玉文於同志諸子中齒最壯最早達



而最先亡其詩雖爲當世推服而不副其所自期  
是則同志諸子之所悲而尤予之所深痛也壬辰  
季秋下浣狷亭沂震書

余幼不從他師六七歲時先王父樂閒府君抱置膝上口授四書章句暇則教之四聲間授以唐人詩若干首略能成誦稍長從事入股遂不復學至丁卯歲余年二十四適省試被放於是有事於學詩先王父知之則大喜盡舉所有詩本畀之是時柳塘吳慎思先生以詩學倡導後進應而和之者余兄狷亭從之遊者周子漢荀而漢荀兄右序及許子三英亦相繼而起先王父曰爾有志於此其從諸君遊乎是年冬柳塘先生有故人挈之北遊

川詩囊自序

一

余則從漢荀學凡有所作輒爲是正漢荀亦悉心導之無所隱明年狷亭亦就塾江城於是又時時就正於狷亭二君皆嘗有獎勵語余私心竊自喜然亦疑二君之誘而進之故爲假借之詞未必其果有當也及柳塘先生歸因彙爲一編呈先生先生評閱之餘頗加歎譽歸以呈先王父先王父閱之而喜可知也嗣後率以舉業故不得竟學己巳歲先王父見背甲戌歲柳塘先生亦下世而余自庚午以後奔走衣食浪跡四方未嘗有期月之功



致力於此蓋自丁卯至今辛卯倏忽二十餘年矣  
此一編者皆二十餘年中道塗行役羈旅無聊之  
所作不忍棄去而存焉者也迴首二十餘年間何  
事不可爲何書不可讀一時同學諸子率能卓然  
自名一家蔚爲詩老而余因循荏苒晚晚無成墜  
先人之訓負師友之功而此身亦遂以將老爲可  
歎也今年久病不痊因檢以付右序爲我刪而存  
之倘不即死則所作當有進否則所存止此矣詩  
凡若干篇釐爲十卷統名曰雪川詩彙云辛卯六

雪川詩彙自序

二

月晦日書

雪川詩彙目錄

卷一

楓江集

共五十九首

卷二

北征集

共五十二首

卷三

濠上集

共三十四首

卷四

汗漫集

共八十九首

卷五

中州集

共七十九首

川詩彙目錄

卷六

桐江集上

共六十六首

卷七

桐江集下

共八十二首

附錄二首

卷八

風樹集

共二十首

卷九

後中州集


共六十二首

卷十

遣懷集

共五十九首

附錄五首





雪川詩彙卷之一

吳江陳長玉文

楓江集

起丁卯九月  
至庚午八月

賜租行

憶在甲子冬十月 翠華初指東南巡時我湯公撫江  
左 帝之肱股邦純臣下咨疾苦首入告 重瞳坐照  
三吳貧三吳田賦半天下額重難減民艱辛軫卹久已  
在 帝念煦濡小惠恐未均 鑾輿未幾回禁籞公亦  
被召留丹宸君臣一德合天地膏澤下沛流無垠卯辰  
歲租竝現放何啻溝壑回陽春從來蠲免但宿負恩及  
頑梗遺良馴不然亦或飽姦橐坐視侵蝕誰能伸一朝

川詩彙卷一 楓江集

膚慮詳且密 部屋徧被無壅屯歡聲百萬溢四野推  
究德意由咨詢嗚呼 聖君遊豫方未已興革漸溥從  
仁人何哉青蠅污白璧宵小構禍傾同寅即今蓋臣憂  
國死傾城涕淚空沾巾從此年年清問日誰使吾民白  
骨為肉常如新

○冬日送柳塘吳先生北遊

落楓江雪正蕭騷 客路三千襍被勞 濯足酒邊豪故在  
騎驢橋畔興還高 曲中縱覺回頭誤 局外無如袖手牢  
無限臨歧依戀意 不禁清淚濕征袍

謁桐鄉放翁朱先生歸舟風雪

暮雪霏霏一棹開 衝寒疑出剡溪來 阿蒙曾坐春風裏

不似當時興盡回

讀周漢荀近詩

自喜騷壇得導師一斑時復管中窺未能參活句中句  
且更著眼詩外詩但念佛名推賈島任偷白格誚微之  
海山一曲成連去操縵從今儻許隨

時柳塘先生  
北遊未歸

大梅菴看梅次東坡和楊公濟韻十首

晴日風光暖更和江鄉二月落梅多若將此段憑吹笛  
無限愁人喚奈何

禪關老樹覆生臺枝格橫斜面面開一樹蒼龍誰畫得  
半身香雪半身苔

疎籬短約路紆回白板雙扉爲客開我比放翁尤放浪

川詩彙卷一 楓江集

二

花多花少總看來

目送飛英酒一樽娟娟新月照黃昏一枝瘦影橫牕在  
招得梅花死後魂

孤山吟後更無花水影參差月影斜未到黃昏清淺候  
不知渠是當行家

枝南枝北後先開冷暖從教次第催不放春光容易過  
一花遲作兩番來

不朽才消一句詩乾坤清氣在花枝可憐俗骨渾難療  
看殺梅花不當醫

香滿羅浮翠羽飛清歌催放未開枝如何徹骨清寒境  
也到繁華夢覺時



玉雪飛來點點輕蒼苔  
觀處更分明莫欺半面殘妝在  
比似初開倍有情

姑射仙人自一家  
冰肌玉骨思無邪  
詩人在有詩千首  
莫著纖塵負此花

幼弟七歲能對局志喜一首

東坡喜兒能近道  
信指剝啄常絕倒  
吾家幼弟才七齡  
四句乘除參入妙  
雜誦泠泠玉瑟聲  
更於餘力戲楸枰  
眼光縱出指點外  
兔起鶻落誰能爭  
擎拳一握如蘭栗  
落子鏗然音中律  
斜飛旁角爭劫遲  
絕勝火攻出下策  
須臾推枰斂手起  
勝固欣然敗亦喜  
身傍繩牀頭等案  
復累殘棋成十二  
仲父義方頗嚴切  
見猶未即能嗔喝

川詩彙卷一 楓江集

三

吾祖含飴喜弄孫  
膝上戲看拳亂出  
憶我當年了了時  
至今濩落徒傷悲  
呼盧不成慚五木  
等閑失却爭先棋  
阿戎早已見雅量  
頭角何時共我長  
助爾脩成五鳳樓  
他年當在諸兄上  
君不見烏衣子弟  
畫屏開蠟鳳羣推  
未易才笑他老大  
羊玄保才賭宣城  
太守來

夜坐用東坡韻同漢荀作

蹉跎歲月逼崢嶸  
永夜西風送柝聲  
茶苦澆書猶有味  
詩成閣筆尚餘情  
爐灰淡白香初過  
牕影虛明月欲生  
却笑縱橫蘇季子  
枉陳十篋對寒檠

久雨三絕句

冷煙疎雨著枝輕  
碧草春深繞檻生  
寒食前頭一百五

先支十日作清明

小牕枯坐若爲情頻聽空塔滴瀝聲連日雨多詩課准  
一番雨過一詩成

舍北深泥已沒腰溪南新漲欲勝篙柳眉煙重渾如結  
枉喚春風作剪刀

聞雷示學人

風起雲飛陣雨隨電光閃處走蛟螭書生止是池中物  
一夜雷聲欲化誰

寄懷柳塘先生 都門二首

入洛從來常語殊新詩應更滿 皇都先生長柄葫蘆  
在曾見中原僮父無

川詩彙卷一 楓江集

四

驢背詩名更有誰素衣幸未化塵縑旗亭不過高王輩  
莫賭黃河遠上詞

次韻狷亭兄與漢荀春雨倡和之作

松陵故事傳皮陸對雨聯吟老興酣風流千載其誰嗣  
詩壇重見開煙嵐伯兄健筆健無比勁敵唯有周郎堪  
中央未許坐劉老恰如周北同張南高哦大唱十日雨  
癢者欲起瘡欲談我愁泥濘不出户好事傳誦口耳諸  
蠅頭一一細寫出櫛比章句重較勘恍如銀管雙開花  
五色照耀垂珍璆又如景陽兩錦段爛爛奪目迷紅藍  
詩腸未乾雨不止掉頭想見遺巾簪發發相及矢矢屬  
精猛直射南山魃中原之鹿死誰手一戰而霸皆無慚



嗟我蹉跎早失學面牆却立疑癡憨井蛙跼蹐時復樂  
一勺何當江海涵兩君之才蓋一世豈與靈運分斗甌  
家雞野鷺吾不擇斂手北面心俱甘金丹坐待脫凡骨  
母徒護短雌黃含好詩惡韻強學步有口未達詞誦誦  
空階盡目響簷溜點滴似與幽人耽可憐奚奴亦何事  
空令冒雨馳詩函

疊韻柬狷亭漢荀并示馬御公

我聞古人學有本經史六藝皆沉酣工夫一一在詩外  
餘事嘲弄排雲嵐况復矜戒苟作不朽一句亦已堪  
後人不學絕津逮何異轍北車輪南吾師柳塘今杜甫  
論詩四座驚雄談同時屈指伯氏淵源家學夙飽諳

川詩草卷一 楓江集

五

及門馬君稱好古貫穿萬卷勤讐勘周郎學富才更大  
綵筆頻吐花珍穆二子傳衣推上座師門得髓青於藍  
今春聯翩發高唱雨中往復朋盍簪如雲隨龍逐上下  
如風怒嘯從狂虺旌旂壁壘縱不一三分鼎足要無慚  
只今詩學遠失古流傳繆種駭且慙一二庸妄作巨子  
狂瀾誰障潢汗涵俗腸紛紛塵十斛純灰何處飲一甌  
阿蒙驚下不足數苦欲雷同心不甘古人雖往其言在  
何不閉戶窮咀含願侍賢兄傳緒論下牀作語聲喃喃  
執經仍從二子後吟風弄月同幽耽他時柳塘南旋自  
京雒破顏一笑開詩函

桑葉青蠶子生浴蠶過穀雨收蠶及清明三旬鄰曲罷  
來往采桑陌上還相迎大婦十筐意未足小姑一箔喜  
可掬吳刀切葉細於絲朝朝哺飼忘膏沐三眠漸到上  
山時斷茅縛帚排高低蠶房欲暖山欲爽此中一一求  
其宜下山採繭喜十分沸湯軋軋繅紛紜脚翻輓轆手  
復轉一車兩束輕如雲新綿剥得從蛾口線細家家逞  
好手黃絲留待織家機催租人到還何有可憐蠶婦慣  
苦辛猶藏布種待明春

述懷柬狷亭兄

我弱好弄不好學青春坐送白日徂垂髫猶昧六與七  
但恣夕歡還朝舖成童率爾學制義殘腔依樣思操觚

川詩書卷一 楓江集

六

一望茅葦顏怛怩觀場脚短羞侏儒脩蛇赴壑驚十稔  
五白不肯成臯盧去秋省門又見放殘棋覆罷繙新圖  
欲旋面目事風雅紙尾點竄同鴉塗餽飭簡策塵十斛  
腸胃半腐終難劄同門畏友有周子謂漢荀其詩學古與古  
徒明珠滿篋不我吝偶味妙理逾醞醕癖書奇字多未

解以意揣測心追摸管窺十亦得一二拍案不覺驚且  
呼未知吾生於此事亦復可望萬一無今春阿兄發高  
唱老翮勁健驚鷗雛朱絃一奏再三歎金石繼響音節

殊謂漢荀御公

時引我作羊公鶴豫璋未肯舞瓊瑜強拈險韻

不自量蠻語輒作如姬隅藏拙未敢輕舉示長途欲試  
愁疲懦阿兄見之獨首肯不以氣盡鄙小巫傳觀那免



供一笑亦有坐客時  
捋須嗜痂護短自君病  
苦欲朱粉妝醜嫫  
古人學詩有本末  
胸破萬卷涵江湖  
末流狂倒真漸失  
汪洋一派皆潢汙  
詩魔飛精入焦府  
僞種蔓衍連根株  
烏空鼠啣妖咎作  
生龜難脫堪嗟吁  
而我空踈復駑鈍  
暗行失足誰將扶  
事誠在人未可料  
有志妄欲追軒虞  
但恐力弱不足負  
東家曠女徒自愚  
國能未得故步失  
技窮終笑能飛颺  
貧家活計在苟得  
古貨今日其誰沽  
咫尺城闈未可越  
講堂不得常陪趨  
羈鴻旅雁本儔侶  
恨不棲啄同菰蘆  
經旬閉戶疏舊雨  
故態何處求新吾  
篇章長語複意不  
盡莫惜指點開迷  
途此詩不足當下  
策慎勿碌碌笑阿奴

偶讀王荆公明君詞咫尺長門閉阿嬌  
人生失意無南北及司馬溫公自嗟不若住巫山  
布袖蒿簪嫁鄉縣之句作二絕句寄呈柳塘先生

十載長門金屋寒  
阿嬌咫尺淚闌干  
縱然失意無南北  
猶勝琵琶馬上彈

金獸雙環暗斷腸  
回頭灑淚別君王  
不知此去羶城裏  
可勝蒿簪嫁鄉縣

。讀柳塘先生燕邸詩

一年旅食滯京師  
磊落胸襟擬問誰  
杜牧有言皆見罪  
少陵無史只裁詩  
刺雖留字終看減  
衣縱經塵未化

緇莫怪歸來徒四壁相如元似不同時

○題漢荀詩彙二首

麗句清詞一代無蕭然四壁自歌呼詩工窮餓渾無准  
此是君家十斛珠

天生詩骨自胚胎魄力誰爭大小來一石只今君盡取  
教人何處斗量才

○又題二絕句贈漢荀

風雲月露總紛紜佳句超然獨出羣那得瑯琊白團扇  
爲君細細寫秋雲

一尊未得共論文細雨清燈夜欲分每到沉吟堪絕處  
何曾讀罷不思君

雪川詩彙卷二 楓江集

八

喜柳塘先生北歸

消息經年帳各方欣看襍被返江鄉生憎河北諸僮父  
却愛江南數酒狂面目初憐季子黑鬚鬚陡覺阿蒙長  
扁舟不負尊鱸約好剪秋燈話夜長

己巳春之塾三首

入春未匝月饑驅復出門前期束襜被憫憫中心煩病  
婦補短褐矻矻至日昏幼弟宿春糧草草供晨殮片帆  
掛湖口黯黯春雲屯暗風吹我面寒雨銷我魂行矣不  
復顧百憂難具論

我祖踰七旬老耄行日加入春忽臥疾十日勢未差縱  
令病即已西日亦已斜未知從此去復得七十邪奈何



反哺日分飛若林鴉翻恐傷親意強言即還家淚眼忽  
已傾躑躅腸痛嗟

古人輕萬鍾不以易我親况我非祿養胡爲走踈踈備  
書博升斗硯北鋤且耘烏飛空繞樹燕宿常依人一念  
舍此去何術濟長貧負米有古賢此意良可珍我行匪  
得已夜夢猶酸辛

聞湖浦梅花盛開賦此自嘲

野草青青沒燒痕遙知香雪遍江村今春無力償詩債  
避過梅花不出門

贈內

鴻案終朝儼主賓年來慣見甌生塵嗟君椎布無煩化

雲川詩集卷一 楓江集

九

自到吾家不說貧

徐騎省詩化得  
妻兒不說貧

山斗

山斗千秋孰敢倫後來喞點苦紛綸總然盡把今人薄  
何至無心愛古人

無題四首同周漢荀吳謙六作

重來閨苑有前緣忽報雲端墮綵牋豈是窺牆遺玉勒  
寧教見面博金錢花枝偷看迷秦客鴻影驚飛逝洛川  
紅杏天桃等閒在莫教容易颺風前

雷聲隱隱去遲遲十里春風繡幙垂柳葉煙深鶯不露  
花心香淺蝶先知一身那得生雙翼片語何因上兩眉  
此際珠簾休卷却綵雲飛去不多時

別時爭似見時難天上因緣怪未慳蓬島幾曾飄海外  
銀河不覺近人間綵鸞無影流明鏡翠黛多情感遠山  
多少金閨城外柳但饒離恨莫教攀

闌干翡翠帳流蘇眉勢分明十樣圖醉未敢邀輸博局  
笑如可許誤投壺燒殘蠟炬還垂淚泣盡鮫綃總化珠  
從此蓬山千萬里相思有夢得尋無

○春日同周右序李佑人泛麻湖

春郊風景別遲日勝情偏天入空明鏡人登罨画船淡  
融梨作雪濃化柳成煙便恐桃源是綠溪錦浪鮮

哭姊

嗚呼姊亡乎我母今已而哀哀念我母恩勤至忘疲初

雪川詩集卷一 楓江集

十

生數不育早歲多悲摧及乎姊始生珍愛如佳兒三載  
余墮地我母轉孜孜繼又得我弟頭角看參差余家適  
構難雀角牆垣窺我祖性磊砢不甘非理欺於時家中  
落巢破卵幾危余生之年為康熙甲辰族人有藉其烟貴以構陷者余祖遂至破家歲復遭大浸漂

沒蕩里居庚戌大水凶荒坐相并比屋無晨炊我母日拮据憂

勞損膚肌消中疾已久至此遂不支彌留念諸雛失母  
誰護持臨殮視不瞑九泉恨猶齋姊孝誠過人痛欲我  
母隨我父遂感激絃斷不重徽姊時年十三余髮兩額  
垂一弟復一妹尚皆在孩提伶仃四五人形影相倚依  
再歲妹忽殤姊復涕漣洏更喪我庶母家貧益難為姊  
即主中饋操作雜鹽醯或冬時號寒或午時啼饑一味



必共嘗尺布勿自私熒熒諸弱弟以姊當母慈我母未  
了債一一姊償之辛勤歷十載我姊方于歸蛋駟乃各  
散灑淚臨路岐荆布勿復完焉能具盤匱佳時及令節  
棗栗鮮饋遺姻婭或致誚妯娌頻見嗤姊誠識大體自  
謂命所宜縱多爲婦難不令家人知暨乎余授室乞食  
爲人師終歲一再見相對唯歔欷期我早自奮望我捷  
秋闈每念母蚤亡泣涕相勸規顧我益坎壈再試擯有  
司以茲不得意戚戚顏不怡去年鹿城返姊時適歸來  
一見心爲驚孱削胡至斯爲言兒女煩以故體獨羸嘗  
恐此一別再見未可幾斯言頗不祥余每中心疑豈知  
申申詈斯言遂永辭入春聞坐蓐三月音乖違幼弟趣  
走候臥牀已瀕危自知不復起家事囑纍纍含淚向老  
親伏枕首屢稽衰年幸自愛勿爲女深悲悵然更念我  
百里路苦睽我聞疾奔赴望門腸如割瞪目但相向百  
聲不一回魂魄已離殼猶然淚交頤始知忍死待特爲  
我遲遲痛哉毛裏情畢此俄頃期幼子頭扶牀弱女方  
始孩况有呱呱泣生女月未彌夫君痛欲絕翁媪呼聲  
悽回憶我母亡慘割恍若茲衰親涕千行腸斷哀猿號  
幼弟泣中宵毒痛音酸嘶同屬失恃人於姊較多虧靈  
牀火青熒悲風起空帷天高任茫茫湖深終瀾瀾悠悠  
入泉路遙遙上夜臺魂今在何處應未離深閨姊子余  
當教姊女余當攜俟其稍長後一一道端委苟得至成

立瞑目豈無時我當告几筵以慰九原思嗚呼妙亡乎  
哀些重淒其緬然想平生含痛寫此詩此詩言有盡此  
恨終不灰

秋日尋范文穆石湖別墅故址

郡西鼓棹日熹微此地前賢早息機戀闕子牟心故在  
買山支遁計誰非三篙煙水宜官退一徑峰巒勝蜀歸  
亭午漫尋遺跡遍蕭蕭木葉滿村飛

責鼠

天公憐我貧到骨特與盜粟供晨夕鼠胡不仁貪而黠  
呼朋入盜恣饕餮中宵有聲鬪格格白晝勿避爭伺隙  
相女有體人勿責胡忍對人作盜賊公然竊負入己穴  
急往逐之驚兔脫嗟嗟此粟本不盈甌石今飽我腹無  
七八縱然有口禁不得瞪目對之三歎息鼠乎鼠乎女  
莫竊我家十口賴之活女今飽噉腸欲裂寒士生意恐  
斷絕我欲箋向天公說憐女么麼不足責此詩雖戲傲  
女魄鼠乎有知當自革嗚呼鼠乎有知當自革

○澄江寓中與右序話舊

西風獵獵響菰蘆風景寒江儼不殊人事平分今舊雨  
踈狂自占故新吾登山黃歇墳三尺澆土劉伶酒一壺  
今日與君論信宿不須感慨到窮塗

同狷亭兄宿漢荀寓齋

西風江上客愁邊夜雨蕭蕭似昔年合與諸君尋舊約



杜康橋畔對牀眠

客舍枕上聞雪聲

浙浙茅簷細若無孤燈殘夢兩模糊忽驚翠竹牕前折  
身入袁安臥雪圖

中秋三首用東坡先生韻同狷亭兄漢荀作

今夕定何夕搔首明河東清光淨如水一瀉當天中去  
年臥病客扶杖啓簾櫳要此清團團洗我愁腸空舉杯  
問明月來此應何從聞有斫桂人曾否在月宮蝦蟇巧  
相蝕母乃憎此蟲一問再三歎欲語詞已窮但令置百  
感坐醉佳會逢莫便作苦語竟夜常喁喁

明月無處無照我愁獨別清影落盃中和愁共一咽浮

雲川詩集卷一 楓江集

十三

生固有涯憂患經幾擲焉得繫冰輪團圓不教闕烏鳥  
亦何爲三匝繞庭樾驚棋復不安策策鳴敗葉由命非  
由他人生定誰說遙憐小兒女此夕覓梨栗尚有獨看  
人清輝照如雪詩成欲一寄翻恐愁斷絕

去年今夜月玉山相對清前年過白下踟月秦淮行今  
復巧相隨照此開門扃寒蟲至夜半唧唧和哀聲白露  
下高空燦若珠貝明招邀月影吾徑作二難并風來動  
梧竹搖蕩藻與萍空庭疑積水幾忘今宵晴人生會合  
難靜境未可輕一落便經歲惆悵難爲情

風雨渡江泊瓜步二首

浪花飛度海門東雨過收回陣脚風兩點金焦剛洗出

夕陽斜照半江紅

帆飛京口濤聲壯舟泊瓜洲雨陣酣唯有長虹時矯首  
却從江北跨江南

○江干晚泊

一片征帆向晚開新涼風景亦悠哉雲橫北固吹成雨  
浪滾南徐勢似雷第一秋聲隨雁至無邊月色趁潮來  
舵樓柱頰微吟罷莫放閑愁到酒盃

秋夜燕子磯玩月

秋月照萬里橫江落千尺月色與江聲佳景最今夕我  
來值高秋遙天望空闊潮爭月影流月助波光白山勢  
亦似飛凌風矯欲活四顧煙蒼茫中流景明滅我欲倒  
清樽臨江酌明月此月幾千秋此江經百折東注與西  
流誰能心默識即今擊楫人俯仰皆陳迹長嘯下層岡  
扁舟待明發笑問燕磯人何如牛渚客

登金山

大江發岷峨東下萬里遙金山屹中流終古衝怒濤瀕  
洞四圍水對峙一點焦我昔過其下望險常回橈譬如  
三神山欲到風爲飄茲來慰夙願遊屐窮周遭涼飈滌  
頰襟快若癢得搔眼無一物障意覺萬象豪濤聲入秋  
氣松檜鳴蕭騷想其蟠根壯千丈撐斷鰲不然負壑趨  
何異漂芒毫龍章燦貝葉突兀留雲高甘泉汾鼎覆泰  
岱封中標此間留靈燄光燄常霄玉音四十字一一



聞簫韶橫空發天籟日月爲回昭一洗疥壁陋呵護  
龍蛟臨泉酌中冷古塔恣翔翱雲濤擁北固形勝歸南  
朝往事如飛鳥煙靄空沉銷茲山流不去送盡落日潮  
盛衰俯仰闡滄海何迢迢何當振飛翮一覽扶桑梢

雪川詩彙卷之二

吳江陳萇玉文

北征集

起庚午十月  
終辛未一年

○曉發苔溪

秋漲白蘋汀孤舟趁早程  
曉霜漁市火殘月戍樓更白  
鷺衝煙過青山潑眼生  
篷窗寒不寐况復足離情

○廣德道中

短晷生憎客路長  
蹇驢躑躅新霜寒  
泉面浸浮萍紫  
老樹根堆敗葉黃  
都把亂山供落日  
尚餘疏柳寫秋光  
山程堪詠還堪画  
此景他年未易忘

○醉題宣城劉氏小樓示同年湯偉駿公

雪川詩彙卷二

北征集

一

遠近晴光俯可攀  
紅塵隔斷最蕭閒  
牕明謝眺樓頭月  
枕對青蓮句裏山  
眼力遠過鴻影外  
秋光清瀉酒杯間  
醉吟疥壁君休笑  
聊爲征夫紀往還

○○山中

躑躅山程遠  
終朝事苦吟  
西風遊子色  
落日故人心  
天淨孤鴻遠  
秋高落木深  
客愁何處遣  
青旆隔前林

○南陵客舍夜雨有懷御公右序漢荀獨亭兄

最是窮塗客  
易愁欺人無賴是  
更籌他鄉睡少兼  
逢雨好友離多又及秋  
定爲對牀思  
穎上可無飲酒憶  
梁州曉來欲寄相思字  
江水悠悠向北流

發繁陽



驢背詩囊一束輕蕭然侵曉出秋城青山特地多情思  
一路迢迢送我行

○清弋江

暝色低含江上柳秋光淡寫水中天不知杜牧吟成後  
更有何人爲慨然

敬之詩清弋江邊柳拂橋

南陵雨夜憶三弟病中二首

經旬女臥病十日我離家却爲思鄉劇翻憐歸夢賒  
曉鳴半夜雨雁叫一行斜相伴殘燈在愁時忽吐花  
若此深宵雨羸軀那得安家貧艱藥費歲暮怯衣單未  
免高堂累何能遠道寬遙憐在家者屈指計歸鞍

○發南陵

靈川詩集卷二 北征集

二

一路寒泉送客程離亭回首隔山城秋從黃葉聲中老  
人向青山缺處行幾片閒雲供畫本一林落日待詩成  
來時記得留題處尚有殘尊慰客情

廣德道中

日暮行吟草路荒昏鴉接翅伴人忙人歸村店鴉歸樹  
閒却秋山對夕陽

○誓節渡題禪林壁

并序

唐季黃巢之亂里人張氏起義兵率鄉勇數百人轉  
戰以挫其鋒及其敗也數百人皆投溪中無一降者  
前朝萬曆間宣城太守段君爲之記今碑石猶在佛  
寺側

此處義兵死英風今不亡  
猶追海島近欲比睢陽終  
古溪聲急四圍山色蒼  
禪林遺碣在迴立向斜陽

五鼓發東塘舖

客程常早起殘月耿天西  
風送雞聲遠霜侵曉路迷  
懸崖結屋小臥柳作橋低  
呵凍吟成後郵亭手自題

哭族子觀

頻年來問字力欲振衰門  
膝下無違養鄉人不間言  
有妻能作誄無子與招魂  
師弟平生意臨風挹淚痕

張夏道中除夕示同年周魯祈

一桁青山落照邊清燈殘  
醉耿無眠與君起向燈前舞  
未到雞聲尚舊年

泰山紀遊

靈川詩集卷二 北征集

三

茫茫四海涵虛空鎮以五嶽摩蒼穹  
泰岱萬古作長雄  
帝出乎震羣朝宗天子祭秩等三公  
七十二代傳登封  
我來登眺攀崇隆郭門堆疊青芙蓉  
山根直拔橫而縱  
峻岫特起如崇墉倚天面目何宮窿  
籃輿欲上不可扛  
屈曲鳥道迷行蹤飛泉百道走礮硿  
大石怒激聲淙淙  
盤旋過盡十八重山有十八盤  
綽楔分峙大小龍山頂分兩路一曰大龍門一曰小龍門皆  
標以綽楔中矗十丈排霜鋒一峰斗起名劍峰  
峭阪四十里欲窮陡見金  
碧宏珠宮上有碧霞元君廟云是東嶽之配  
飛檐画棟氣鬱蔥  
鬢垂珮委瞻  
肅雍作配青帝禮秩隆  
奔走萬國傾愚蒙  
黃金火齊殿  
陞充官家算緡皆上供  
四方所施金錢皆積殿庭州官爲封貯每月朔望一收謂之掃殿  
絕頂更



上策情慵習習兩腋生涼風日月晝夜觀兩逢儼爲造化光重瞳周秦吳越四望通壁若牕牖開瓊瓏更有仙人駕綵虹危梁絕壁疑鬼工

絕頂有巨石橫兩山之間名仙人橋

千鈞勢壓嵌

空洞縱目直欲追飛鴻一氣不辨九有同黃河萬里衣帶縫咫尺溟渤堪飛翬弟畜衡麓兒高嵩僕役太華奴

恒峰其餘徂徠與繹蒙不及腰膂况肩胸中央拳石五

尺崇泰山之宰神明聰

中央一石高五尺鑿聰明正直四字云是泰山之神

吾思至德高

難頌能於膚寸雲勃蓬徧爲大地施幘幪崇朝霖雨沛

澤洪沾我稼穡活我農左右上帝稱良忠德施不言萬

國蒙長子主器豫聖功父乾母坤子職共秦火漢灰運

已終有碑十丈何其豐

秦無字碑在山頂

竟無一字篆鳥蟲徒見

靈川詩集卷二

北征集

四

老死蒼蒼松

五松今存其二然已不可考矣

唐開元代留遺踪陽冰大字深

磨礪萬古東魯韋布躬欲小天下難形容

旁一碑云孔子小天下處

我欲

竟覽百感叢驟車十日征塵紅茲遊領略殊囟囟譬酌

大海歛瓢鍾翩然下顧心忡忡吳門匹練在望中翹首

西北雲空濛吾今轍跡其何從

北歸後一病兼旬少間與狷亭兄夜話離合之

際有足嘔者因以一絕紀之

青熒宿火話獻敵客到窮塗願易違不是對牀今夕語

幾成京洛不曾歸

去冬北上狷亭兄漢荀各以詩贈行行後右序

復有詩見寄三君之作篇長語重慰誨殷勤

其愛我至矣行李息促未暇爲答歸後隳括  
來詩之意奉酬一首

憶昨上燕京朔風吹積雪同學二三子惻惻傷遠別阿  
兄首贈言愚矇資啓發流俗逐風靡祈我金煉百復讀  
漢荀作諷論意尤激曲學有隱憂恐我力疲茶右序默  
無言我行簡方折長篇意反覆勗我謀道切欲以方用  
員師門有質的三詩言不同愛人皆以德此事微君言  
愚固不敢忽况復重諄諄忍不益努力雖然竊聞之南  
轅轍不北所云古人耳持此今安適當今際昇平羣情  
漸玩愒頃來長安遊僦居纔兩月邊患幸少休部黨憂  
未釋恬熙垂冕旒未用憂時策羣誇陸賈裝亦羨君卿

香棠齋詩集卷二

北征集

五

香棠齋或柔素絲緇或涅能毀方爲員百用百不竭  
而我失會機康莊竟一蹶貧賤豈足羞慚負嗟何及諸  
君驚人才特達在轉睫後事師不忘以我當前轍方員  
隨其宜緇素任所值幸同靡波揚相與糟醲歆毋羞薦  
狗監毋恥趣鼠穴庶幾公孫賢幸免劉蕢黜諸君苟有  
心我迹亦應易不然能終窮誓共守迂拙我玉固未獻  
我足幸未刖我寧涸枯鱗豈甘赴沉溺我甘長齟齬豈  
能恣汨沒緇難染素絲員豈利方節守我百鍊金剛勁  
幸無缺願終師阿兄對牀追夙昔漢荀負至性孝弟久  
矜式師門推緒言右序意彌決願以諸君贈一一爲君  
質庶幾勉古人吾道光前業



○漢荀近多田園小詩戲東一絕

盤空帖妥韓公筆排比鋪陳杜老詩卷却波瀾吟斷句

東坡才分似陳思

坡詩文章曹植今堪笑却卷波瀾作小詩

次韻佑人與周起貞贈答之作

風雨論文已十年行藏較量幾淒然局當先著旋思悔  
妝到迎門倍詫妍漫許雲龍堪共逐只看蛭駝各相憐  
嗟余潦倒今來甚何處雞聲早著鞭

○病起

偃仰渾同醉未醒敢云緣病長高情枕痕著面驚顏瘦  
梳齒經風感髮輕但可尊前論現在不須身後歎無名  
故人宿有聯牀約買藥還須暫入城

雪川詩彙卷三

北征集

六

○夏月臥病風雨兼旬詠懷三首

行藏草草付天公半榻蕭然百慮空夢繞茶煙一縷外  
詩成暮雨數聲中荒江雨足浮天水老樹枝號卷屋風  
賴有閒情堪自慰不曾感慨到塗窮

病來事少起偏慵掀戶披衣景漸中遮日有雲皆作雨  
掃花無徑不生風遣愁肯信詩無力添睡方知藥有功  
最是西山看未厭一峰夕照恰銜紅

滾滾紅塵日夜流喜無噩夢到滄洲厭聞甯戚歌牛角  
慣見安仁拜馬頭好友自成頭腹尾勞生休怨斗箕牛  
不須更望長安笑落日孤雲祇自愁

○郊墅雜賦十六首次高青丘韻

舟泛鴟夷子家浮笠澤翁西山當戶見南雲到門通青  
摘蕪菁雨香披穉極風郊居無限好吟斷五言中  
俗情緣病減詩境得愁增渌水濃於酒白雲閒似僧停  
舟犬吠客宿壘燕嗔燈剩有憎騰夢溫時記未能  
春陰過十日小浦積流沙煙暗沿溪柳苔明掩徑花逆  
風雅結陣細雨燕歸家不問牆頭酒如何遣歲華  
幾番風信過春去嬾郊行花發聊隨意鶯啼欲盡情分  
秋和兩種澆藥引泉生却笑劉侯輩吟詩好得名  
淹滯經旬兩幽懷若箇親兒嬌強解事婦拙不言貧載  
酒無奇字加餐有故人前灘得雙鯉幾遣問閒身

晴窗臨北牖晨夕便興居遠艇移雲外奇峰露雨餘葉

魏州詩卷二 北征集

七

飛鷺宿息萍繳安游魚更愛門前柳涼風到敞廬  
鵲噪晨春候哇鳴夕照時柳陰斜繫犢車水亂侵陂雨  
急回風斷雲低度影遲方塘恰半畝幽趣少人知  
暑退涼初至晨興日兩竿露懸蛛網濕花帶燕泥乾棋  
局閑中覆醫方靜處看午炊時不繼漸覺意能安  
荷渚交交白苗塍每每青心閑參句活景妙入詩靈雨  
過絲萼滑霜高稻蟹腥鄰翁邀近局狂態醉兼醒  
漸近登場候誅茅覆短垣好詩無惡歲醉吐有狂言護  
犢牛宮靜呼名鴨陣諠斜陽隱隱處倦羽識林園  
塞上休烽戍滄江息浪波時平官課最歲穰吏侵多野  
外晴鴉噪煙中牧笛過田頭時負耒辛苦勝橫戈



昨夜西風急漁舟水滿塘犬驚遠岸火雁叫一天霜婦  
供蒸壺味鄰傳釀酒方小詩隨意得心境兩相忘  
質樸風猶古敦龐俗未遙妻賢能似孟奴愛絕如蕭佞  
佛嘗施米憐烏不捨樵更聞酒價賤青旆颺溪橋  
偶過親朋話寒宵坐共隈韻嚴脫口接令險擊籌催一  
榻松驚夢三更月挂梅等閒車馬客塵土厭追陪  
晴牕烘柳眼臘雪點枝頭竹影侵堦亂山光薄暮愁稅  
輸寬吏擾俸足假蒙求便覺風來暖輕冰泮荻洲  
若算行藏便無過二頃田雲山供覓句花月不須錢癡  
點容兼我升沉怪問年郊居無俗事消遣盪耕邊

初秋題石序北池塾齋兼示許三英四首

靈川詩藁卷二

北征集

八

高槐疎柳並清池臨水軒牕靜對時連屋更堆書萬卷  
分明画出少陵詩

漫漫方塘平似鏡曉煙鋪面水沄沄忽然風皺萍開處  
倒浸天邊幾片雲

嗚嗚鳴蟬弄晚晴西風策策露華清瑣然片葉飛空下  
記取秋池第一聲

許子論文夜欲闌周生談舌笑常乾坐間添箇陳無已  
鐫脚詩成最好看

秋日同諸君過葉已畦先生橫山二棄草堂賦

呈長句三十韻

草堂勝概山中卜淥水依園山在屋山容傲睨似高秋

方幅波光媚幽獨主人河海滿詩名早脫塵鞿住空谷  
半生蠟屐遍名山小草歸來鬢猶綠闢成幽徑號三三  
結就奇峰似六六新秋一棹出胥江有客同過皆不速  
石橋流水灌柴門主人高哦客剥啄相逢一笑喜覿然  
解衣磅礴無拘束啓扉呼客繞山行婉轉岡巒境回複  
一峰中起勢飛鶩色古顏蒼神欲活數峰偃仰繚其旁  
位置參差秀而樸石門迤邐上山頭曲折盤旋出山腹  
堂前隙地鑿方池中浸清泉數百斛矮梅叢桂小松杉  
點綴巔崖作眉目其餘面背皆青蔥枝盡亭亭根屈曲  
更愁風雨無客來種竹蕭蕭聽戛玉案頭舊卷雜新詩  
客到常歎否山讀甕頭有酒不時需勸酬徑忘主客孰  
若對二黃此人間舉白浮君頸莫縮須臾客醉主亦酣  
自言平生看山足曾于岱頂見層雲又上匡廬聽飛瀑  
衡嵩太華在脚底往來幽討忘寒燠但愁世態益險巖  
名山亦有危機伏不如此水與此山與世無爭定無辱  
坐客無言首屢頷歎息爲山得山學始知帖妥石嶙嶒  
盡自胸中出丘壑亦如此山有妙理但適高人不適俗  
出門攜手秋江濱送客斜陽山背閣秋深相約更重過  
定遣山靈笑客熟

鹿城風雨示右序兼柬狷亭漢荀

山城木落動離思愁向燈前檢舊詩忽憶寒江風雨夜  
兩家兄弟對牀時



久客崑山忽及秋末和蘇子美中秋見月九日  
遇雨十六韻同三英右序漢荀狷亭兄作

閒愁飄忽無根荻併入秋氣傷離懷中秋明月九日雨  
兩回佳節愁中埋憶昨秋半景色妙天公若遣羈情闌  
可憐臥病阻遊覽月反排闥披蒿萊絕似故人共傾倒  
沁入肝肺無纖埃舉頭邀影恰一笑人生由命愁何哉  
重陽轉盼忽又到誰家萸菊無深杯而我襟懷恒作惡  
自別皓月常徘徊玉山咫尺未即上黑雲壓山山疑頽  
重來舊雨亦良友蕭蕭薄暮詩頻催未知清光去何許  
此愁未雨根先栽客中屈指晦朔再如雲黃秫浮香醅  
二三知己坐索莫苦吟屢托須邊腮秋月一落曠載別  
重陽明  
雪川詩集卷二 北征集  
十  
誰來坐令玉山一片石亦似騷瑟無詩才  
險韻強和衆賢作興淺應被山靈哈

與右序自塾齋暫歸江城次韻答狷亭兄即事

五首

依依帶水繞離思偶爾相逢喜溢眉絕勝阿連燕朔日  
滿鞍風雪隔天涯

幾來三徑叩柴荆酒罷燈殘更有情最是羊求來往數  
不須苛禮責逢迎

脫粟相留意自親終宵笑語倍生春阿兄硯北無他客

合與梅花作主賓

是夕余宿  
右序齋

湖上西風掃凍雲雪中興盡亦多君那知此夜袁安臥

鼻息如雷總不聞

三日前猶亭曾一到郡  
以靈甚不晤余而返

兩家兄弟最情親幾度聯牀得四人

謂漢荀

今夕霜天雁飛

疾亂行斜渡太湖濱

雪川詩慶卷二

北征集



05191



